

CONVENIO DE COLABORACIÓN ENTRE A AXENCIA GALEGA PARA A XESTIÓN DO COÑECEMENTO EN SAÚDE E A FUNDACIÓN PÚBLICA GALEGA DE INVESTIGACIÓN BIOMÉDICA INIBIC PARA O DESENVOLVEMENTO, SEGUIMENTO E FINANCIAMENTO DAS ACTIVIDADES DA CONVOCATORIA DO 2024 DO PROGRAMA DE DESENVOLVEMENTO PRECOMERCIAL DOS RESULTADOS DE INVESTIGACIÓN DO SISTEMA PÚBLICO DE SAÚDE TRANSFRONTEIRIZO GALICIA – NORTE DE PORTUGAL (PRIS-T) PARA O ÁMBITO DE GALICIA NO MARCO DO PROXECTO TRANSFIRESAÚDE DO PROGRAMA DE COOPERACIÓN INTERREG VI-A ESPAÑA – PORTUGAL (POCTEP) 2021-2027 (PROCEDIMENTO SA304D)

MEMORIA XUSTIFICATIVA

O xerente do Servizo Galego de Saúde, DECLARA:

- Que o conselleiro de Sanidade en tanto que presidente da Axencia Galega para a Xestión do Coñecemento en Saúde (ACIS) formalizou o día 19.12.2024 coa entidade Fundación Pública Galega de Investigación Biomédica (INIBIC) o instrumento convencional arriba referido, que terá vixencia a contar dende o día da súa sinatura e ata o día 30.06.2026.

- Que o instrumento convencional ten por obxecto, segundo expresa o texto do convenio, *"o establecemento dun marco de actuación para a colaboración entre as partes no desenvolvemento, seguimento e financiamento das actividades necesarias para levar a cabo o proceso de valorización e transferencia dos proxectos seleccionados na convocatoria do Programa de desenvolvemento precomercial dos resultados de investigación do Sistema público de saúde transfronteirizo Galicia - Norte de Portugal (PRIS-T) para o ámbito de Galicia, no marco do proxecto Transfiresaúde do Programa de cooperación Interreg VI-A España-Portugal (POCTEP) 2021-2027"*.

- Que existe converxencia de intereses entre as entidades asinantes en orde á consecución do obxectivo referido.

- Que o instrumento convencional asinado fundaméntase, segundo o seu texto, en que:

O proxecto TRANSFIRESAÚDE, no marco do Programa de Cooperación Interreg VI-A España – Portugal (POCTEP) 2021-2027, aposta polo reforzo da integración do ecosistema de investigación e innovación en saúde eurorrexional para o desenvolvemento de actuacións conxuntas para abordar os retos vinculados ao envellecemento activo e saudable e a medicina personalizada, preferentemente na contorna da atención primaria.

A Axencia Galega para a Xestión do Coñecemento en Saúde (ACIS) lidera o proxecto conformado por organismos de Galicia (Universidade de Vigo, Centro de Investigación en Tecnoloxías de Innovación -CITIUS- da Universidade de Santiago de Compostela, Servizo Galego de Saúde); Norte de Portugal (Instituto de Investigación e Inovação em Saúde da Universidade do Porto, Centro Clínico Académico-Braga Associação 2CA-Braga, Associação Centro de Medicina P5 - ACMP5, Instituto de Engenharia de Sistemas e Computadores, Tecnologia e Ciência - INESC TEC); e a Agrupación Europea de Cooperación Territorial Eurocidade Chaves-Verín.

Un dos obxectivos do proxecto TRANSFIRESAÚDE é o impulso dos resultados de investigación próximos ao mercado e o fomento da innovación empresarial desde a perspectiva da demanda auspiciada polo sector público, tendo como propósito a aceleración das mellores investigacións biomédicas na materia para achegalas ao mercado. Para este fin establécese, no marco do proxecto TRANSFIRESAÚDE, o desenvolvemento dun Programa de Desenvolvemento Precomercial dos Resultados de Investigación do Sistema Público de Saúde Transfronteirizo Galicia-Norte de Portugal (PRIS-T) en réxime de concorrência competitiva, unha ferramenta deseñada para tender unha ponte entre o coñecemento xerado polos grupos de investigación e a creación de valor económico e asistencial a través de novos produtos e servizos.

Mediante a Resolución do 11 de outubro de 2024 se aprobou e se publicaron as bases reguladoras do Programa de desenvolvemento precomercial dos resultados de investigación do Sistema público de saúde transfronteirizo Galicia - Norte de Portugal (PRIS-T) para o ámbito de Galicia, no marco do proxecto Transfiresaúde do Programa de cooperación Interreg VI-A España-Portugal (POCTEP) 2021-2027, e se procede á súa convocatoria para o ano 2024 (código de procedemento SA304D).

Nela se establece o procedemento de concesión das solicitudes recibidas por Fundación. Correspóndelle ao titular da Presidencia da Axencia Galega para a Xestión do Coñecemento en Saúde ditar a resolución de concesión, logo de ver a proposta de resolución efectuada polo órgano instrutor, a Área de Desenvolvemento e Innovación Sanitaria da ACIS. Unha vez ditadas as resolucións de concesión das axudas para os proxectos que resulten beneficiarios, deberá formalizarse un **convenio** de colaboración entre cada unha das fundacións públicas de investigación sanitaria de Galicia e a ACIS para o desenvolvemento, seguimento e financiamento das actividades necesarias para levar a cabo o proceso de valorización e transferencia dos proxectos seleccionados da súa área de influencia.

- Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na "Ley



9/2017, de 8 de novembro, de Contratos do Sector Público, por la que se trasponse al ordenamiento jurídico español las Directivas do Parlamento Europeo y del Consejo 2014/23/UE y 2014/24/UE, de 26 de febrero de 2014”, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asino esta memoria, en Santiago de Compostela.

